

**BASES DA CONVOCATORIA DE AXUDAS  
A DEPORTISTAS GALEGOS/AS DE ALTO  
NIVEL**

**PRIMEIRA FASE: “AXUDAS  
GALICIA<sup>RÍO</sup> - EXCELENCIA  
DEPORTIVA”.**

**(DEPORTISTAS PARTICIPANTES EN XOGOS  
OLÍMPICOS/PARALÍMPICOS E/OU CON RESULTADOS EN  
COMPETICIÓN INTERNACIONAIS OFICIAIS DO MÁIS ALTO  
NIVEL.)**

## INDICE

---

1. INTRODUCCIÓN.....	3
2. OBXECTO.....	4
3. BENEFICIARIOS/AS.....	4
4. FINANCIAMENTO ORZAMENTARIO.....	5
5. SOLICITUDES.....	5
5.1 Instancia de solicitude.....	5
5.2 Documentación.....	5
5.3 Compatibilidade con outras axudas.....	6
5.4 Lugar de solicitude.....	6
5.5 Prazo de solicitude.....	7
5.6 Corrección de solicitudes.....	7
6. INSTRUCIÓN E TRAMITACIÓN DO PROCEDEMENTO.....	7
6.1 Órgano de instrución.....	7
6.2 Comisión de Valoración.....	7
6.3 Tipos de axudas, criterios de valoración e regras comúns a todas elas.....	8
6.4 Procedemento de concesión.....	10
6.5 Resolución de adxudicación.....	10
6.6 Aceptación da resolución.....	10
6.7 Reclamacións.....	11
7. PAGAMENTO.....	11
8. OBRIGAS DO/A BENEFICIARIO/A.....	11
9. MODIFICACIÓN DA RESOLUCIÓN, REVOGACIÓN E REINTEGRO.....	12
9.1 Modificación da resolución.....	12
9.2 Revogación.....	12
9.3 Reintegro.....	12
10. RÉXIME XURÍDICO.....	12
11. DISPOSICIÓNS ADICIONAIS.....	13
ANEXO 1: INSTANCIA DE SOLICITUDE DE AXUDA.....	14
ANEXO 2: CERTIFICADO DA FEDERACIÓN.....	16
ANEXO 3: DECLARACIÓN DOUTRAS AXUDAS DO ANO 2014.....	17
ANEXO 4: FICHA SOLICITUDE DE TRANSFERENCIA BANCARIA.....	18

## 1. INTRODUCCIÓN.

---

A Fundación Deporte Galego é unha fundación do sector público coa condición de medio propio e instrumental da Secretaría Xeral para o Deporte, asumindo como finalidade fundacional a promoción do deporte en Galicia e, de conformidade cos seus estatutos ten encomendada, entre outras funcións, o fomento do deporte de alta competición en Galicia.

Tendo en conta que o 2014 e 2015 son os anos previos aos Xogos Olímpicos/Paralímpicos de Río 2016, a Fundación Deporte Galego está a preparar un plan de axudas aos deportistas galegos/as que están a competir no máis alto nivel deportivo de ámbito estatal, europeo e mundial, entre os que se atopan aqueles/as con opcións de acudir aos devanditos XXOO/XXPP, actuación esta que será considerada como prioritaria. Inclúese tamén, a liña de axudas a deportistas galegos/as de alto nivel (DGAN) que vén concedendo a Fundación no seu obxecto de promoción do deporte de alto nivel da Comunidade Autónoma.

O desenvolvemento desta actuación efectuarase a través de dúas convocatorias consecutivas:

- Unha primeira no mes de decembro de 2014, denominada AXUDAS GALICIARÍO - EXCELENCIA DEPORTIVA, orientada a aqueles deportistas que xa tiveron participado en anteriores edicións dos XXOO/XXPP, e que acrediten de forma oficial a súa actual preparación para os vindeiros XXOO/XXPP de Río 2016; serán as denominadas AXUDAS EXCELENCIA GALICIARÍO. Ademais, nesta mesma convocatoria acollerase tamén aos deportistas recoñecidos como DGAN na última listaxe publicada no DOG en 2014, que acadaran os máis destacados resultados deportivos nas competicións internacionais do máis alto nivel da súa modalidade/especialidade deportiva, segundo os criterios sinalados no apartado 6.3.2.; serán as denominadas AXUDAS EXCELENCIA DGAN.
- Unha segunda convocatoria a principios do ano 2015, orientada ao resto de Deportistas recoñecidos pola Secretaría Xeral para o Deporte como DGAN na última listaxe publicada, que non foran beneficiarios/as da primeira convocatoria anteriormente citada, orientada a aqueles/as deportistas que, si ben nunca tiveron a ocasión de participar aínda nuns XXOO/XXPP, poidan acreditar de forma oficial que están a prepararse e competir no entorno programado polos equipos nacionais das súas respectivas federacións deportivas españolas, de cara a unha posible clasificación para os XXOO/XXPP Río 2016. Así mesmo, esta segunda convocatoria completase co resto de axudas tradicionalmente concedidas ao resto de deportistas DGAN si acrediten oficialmente estar a competir no alto nivel deportivo estatal e internacional.

A presente convocatoria non é substitutiva doutras convocatorias que poida publicar a Secretaría Xeral para o Deporte.

## 2. OBXECTO.

---

Esta primeira convocatoria ten por obxecto establecer as bases reguladoras da concesión de axudas destinadas a dúas liñas de acción:

### 1. AXUDAS EXCELENCIA GALICIARÍO

- a. Apoiar aos/ás deportistas galegos/as que xa participaron en XXOO/XXPP anteriores, que actualmente formen parte dos programas de preparación olímpica/paralímpica das federacións deportivas correspondentes, que continúen coa súa preparación para obter a clasificación para os vindeiros XXOO/XXPP de Río 2016 e que cumpran cos requisitos establecidos pola apartado 6.3.1. destas bases.

### 2. AXUDAS EXCELENCIA DGAN

- a. Apoiar aos/ás deportistas recoñecidos pola Secretaría Xeral para o Deporte coma Deportistas Galegos/as de Alto Nivel segundo a última lista publicada no DOG no momento da finalización do prazo para a presentación da solicitude destas axudas, que non cumprindo cos requisitos do apartado anterior, si acadaran os máis destacados resultados nas principais competicións internacionais das súas respectivas modalidades/especialidades deportivas, e cumpran os requisitos establecidos no apartado 6.3.2 destas bases, coa finalidade de posibilitar o desenvolvemento do seu rendemento deportivo, sendo de interese para a promoción do deporte galego.

## 3. BENEFICIARIOS/AS.

---

Poderán ser beneficiarios/as desta convocatoria os/as deportistas que cumpran os requisitos establecidos neste apartado, así como os criterios establecidos no apartado 6.3 destas bases:

### 1. AXUDAS EXCELENCIA GALICIARÍO

- Residir actualmente en Galicia ou ter residido durante a súa etapa de formación deportiva e reunir un dos seguintes requisitos:
  1. Ter nado en Galicia.
  2. Ter unha vinculación familiar ata o segundo grao de cosanguineidade en Galicia.
- Ter licenza deportiva vixente nunha especialidade deportiva incluída no programa dos XXOO/XXPP de Río 2016, expedida por unha federación deportiva galega dende alomenos o 1 de xaneiro do 2013. No caso dos deportistas que, cumprindo co apartado anterior, non teñan licenza federativa galega por ter que estar adestrando e competindo fóra de Galicia, a acreditación deste requisito efectuarase mediante certificación doutra federación territorial, española ou internacional.
- Cumprir cos criterios establecidos no punto 6.3.1. destas bases, sempre e cando acredite ademais oficialmente formar parte dalgún equipo de preparación olímpica/paralímpica.

- Non estar cumprindo sanción disciplinaria ou administrativa en materia deportiva de carácter grave ou moi grave.
- Estar adestrando e competindo no 2014.

## 2. **AXUDAS EXCELENCIA DGAN:**

- a) Estar recoñecido/a, pola Secretaría Xeral para o Deporte, coma Deportista Galego/a de Alto Nivel, segundo a última lista publicada no DOG no momento da finalización do prazo para a presentación da solicitude destas axudas.
- b) Ter licenza deportiva vixente, expedida por unha federación deportiva galega dende alomenos o 1 de xaneiro do 2013. No caso dos deportistas que, cumprindo co apartado anterior, non teñan licenza federativa galega por ter que estar adestrando e competindo fóra de Galicia, a acreditación deste requisito efectuarase mediante certificación doutra federación territorial, española ou internacional.
- c) Acreditar o nivel deportivo esixido na modalidade practicada conforme ao baremo establecido no punto 6.3.2. destas bases, no caso de que lles sexa de aplicación.
- d) Non estar cumprindo sanción disciplinaria ou administrativa en materia deportiva de carácter grave ou moi grave.
- e) Estar adestrando e competindo no 2014.

Non poderán obter a condición de beneficiario/a, os/as solicitantes nos que conorra algunha das circunstancias previstas no artigo 10.2 da Lei 9/2007, do 13 de xuño, de subvencións de Galicia.

## 4. **FINANCIAMENTO ORZAMENTARIO.**

---

As axudas concedidas de conformidade coas presentes bases serán imputadas ao orzamento do ano 2014 da Fundación Deporte Galego con cargo á partida “1. Axudas Monetarias” por un importe de 130.000 euros, sen prexuízo da súa suplementación en virtude do incremento de fondos asignados, a este fin, que poida acordar a Fundación no momento de resolución, de acordo co previsto no artigo 31.2 da Lei 9/2007, do 13 de xuño, de subvencións de Galicia. Esta ampliación de crédito non conlevará a apertura dun novo prazo de presentación de solicitudes.

## 5. **SOLICITUDES**

---

### 5.1 **Instancia de solicitude.**

As solicitudes presentaranse na instancia recollida no **Anexo 1** e dirixiranse á Comisión Permanente da Fundación Deporte Galego.

### 5.2 **Documentación.**

Xunto coa instancia de solicitude presentárase a seguinte documentación:

1. Documentación a presentar, xunto coa instancia de solicitude, por todos os solicitantes:
  - **Anexo 2:** Certificado da Federación correspondente, no que se reflicta se o/a deportista ten licenza nun club galego, se está cumprindo sanción disciplinaria, se ten expedida licenza dende alomenos o 1 de xaneiro do 2013, se participou nalgunha

anterior edición dos XXOO/XXPP e se forma parte dalgún equipo de preparación olímpica/paralímpica para os XXOO/XXPP de Río 2016 e, finalmente, os resultados deportivos máis relevantes obtidos entre o 1 de xaneiro e o 31 de decembro de 2013, salvo as excepcións sinaladas no apartado 6 destas bases.

- **Anexo 3: Declaración doutras axudas do ano 2014.**
- **Anexo 4: Ficha de solicitude de transferencia bancaria** na que se deba proceder ao ingreso correspondente á axuda, excepto os/as deportistas que recibiran unha axuda da Fundación Deporte Galego nos últimos dous anos e desexen que o pago se efectúe na mesma conta corrente, para o cal deberán indicalo por escrito. Este anexo pode ser substituído por un certificado orixinal de conta bancaria emitido pola entidade bancaria correspondente.
- **Copia do D.N.I.** do/a deportista que solicita a concesión da axuda. Se este autoriza na instancia de solicitude (anexo 1) á Fundación a que consulte este documento a través do Sistema de Verificación de Datos de Identidade -SVDI- e de Residencia -SVDR-, non será necesaria a súa achega.
- Os/as deportistas que por necesidades da súa práctica deportiva teñan que estar adestrando e competindo fóra de Galicia, e que poden ser beneficiarios/as dunha “Axuda Excelencia GALICIARÍO” deberán acreditar a súa residencia en Galicia durante a súa etapa de formación deportiva, así como un dos seguintes requisitos: o seu nacemento en Galicia ou ter unha vinculación familiar ata o segundo grao de cosanguineidade en Galicia.
- Só no caso de non autorizar á Fundación para obtelos no Anexo 1, deberán presentar os certificados de estar ao corrente de obrigas coa Axencia Estatal da Administración Tributaria, Seguridade Social e Xunta de Galicia (Consellería de Facenda).
- Calquera outra documentación que o/a solicitante considere de interese.

Os Anexos destas bases poderanse descargar en [deporte.xunta.es](http://deporte.xunta.es)

### 5.3 Compatibilidade con outras axudas.

Estas axudas serán compatibles con premios ou axudas económicas recibidas durante o ano 2014 procedentes de calquera outra administración, ou de entes públicos ou privados, galegos, estatais e/ou da Unión Europea ou de organismos internacionais -sen prexuízo da obriga de comunicar ao órgano concedente a súa obtención-, e incompatibles no caso de premios ou axudas económicas para deportistas concedidas por outras Comunidades Autónomas durante o ano 2014.

Será obrigatorio declarar as axudas solicitadas e/ou concedidas para o mesmo fin, segundo o **Anexo 3**.

### 5.4 Lugar de solicitude.

A instancia de solicitude e a documentación correspondente presentaranse no Rexistro da **Fundación Deporte Galego**: Estadio Multiusos de San Lázaro, Porta 4 (15781 Santiago de Compostela).

Os/as interesados/as poderán tamén presentar as súas instancias mediante correo certificado, nos termos previstos no Real Decreto 1829/1999, de 3 de decembro, que aproba o Regulamento dos servizos postais.

### **5.5 Prazo de solicitude**

O prazo de presentación das solicitudes será de **10 días naturais** a contar dende o seguinte día da publicación do anuncio destas bases no Diario Oficial de Galicia.

O horario de rexistro aos efectos de presentación das solicitudes referidas ás presentes bases será de 9:00 a 14:00 h.

### **5.6 Corrección de solicitudes.**

Unha vez revisada a documentación, publicarase a lista das solicitudes admitidas e daquelas que conteñan erros ou deficiencias no taboleiro de anuncios da Fundación Deporte Galego e na páxina web [deporte.xunta.es](http://deporte.xunta.es), dispoñendo a partires dese momento de 5 días hábiles para que sexan corrixidas, con indicación de que, se así non o fixese, teráselle por desistido da súa petición, logo dunha resolución expresa por parte da Fundación na que así se declare o desestimento.

## **6. INSTRUCIÓN E TRAMITACIÓN DO PROCEDEMENTO.**

---

### **6.1 Órgano de instrución.**

O Xerente da Fundación Deporte Galego será o órgano instrutor do procedemento, responsable da tramitación do mesmo.

Serán funcións do órgano instrutor:

- a) Revisar a documentación a presentar polos/as deportistas coa solicitude de axuda e solicitar a corrección de solicitudes, se é o caso.
- b) Realizar de oficio cantas actuacións estime necesarias para a determinación, o coñecemento e a comprobación dos datos en virtude dos cales se debe formular a proposta de resolución.
- c) Elevar a proposta de resolución das axudas elaborada pola comisión de valoración á Comisión Permanente da Fundación Deporte Galego, para a resolución definitiva.

O órgano instrutor poderá utilizar e solicitar canta documentación considere precisa para unha mellor valoración e comprobación do proxecto. Asemade, poderán ser requiridos informes técnicos á Comisión de Avaliación e Seguimento dos Deportistas Galegos de Alto Nivel.

### **6.2 Comisión de Valoración.**

Para a valoración das solicitudes constitúese unha comisión de valoración formada por:

- Presidente: Un membro da Comisión Permanente da Fundación Deporte Galego ou persoa en quen delegue.

- 2 vogais: 2 técnicos deportivos da Fundación.
- Secretario/a: O/a Secretario/a do Padroado da Fundación Deporte Galego ou persoa en quen delegue, que contará con voz pero sen voto.

Serán funcións da Comisión de valoración:

- Avaliar as solicitudes presentadas e a documentación aportada polas entidades solicitantes.
- Efectuar as propostas de concesión de axudas elevándoas ao órgano instrutor para que a Comisión Permanente efectúe a resolución definitiva.

O/a secretario/a redactará a correspondente acta de cada sesión da Comisión.

### 6.3 Tipos de axudas, criterios de valoración e regras comúns a todas elas.

Establécense os seguintes tipos de axudas dentro de cada unha das liñas referidas no apartado 2 destas bases:

#### 1. AXUDAS EXCELENCIA GALICIARÍO:

TIPO DE AXUDA	DIRIXIDA A	IMPORTE MÁXIMO
AXUDA EXCELENCIA GALICIARÍO 1	Deportistas galegos/as que acadaron unha medalla de OURO representando ao equipo olímpico/paralímpico español nos pasados XXOO/XXPP de Londres 2012, ou varias medallas nalgunha das edicións dos XXOO/XXPP disputados.	9.000 €
AXUDA EXCELENCIA GALICIARÍO 2	Deportistas galegos/as que acadaron unha medalla de PRATA representando ao equipo olímpico/paralímpico español nos pasados XXOO/XXPP de Londres 2012 ou ben unha de OURO en XXOO/XXPP previos a Londres 2012.	7.000 €
AXUDA EXCELENCIA GALICIARÍO 3	Deportistas galegos/as que acadaron unha medalla de BRONCE representando ao equipo olímpico/paralímpico español nos pasados XXOO/XXPP de Londres 2012 ou ben unha de PRATA en XXOO/XXPP previos a Londres 2012.	5.000 €
AXUDA EXCELENCIA GALICIARÍO 4	Deportistas galegos/as que acadaron unha medalla de BRONCE representando ao equipo olímpico/paralímpico español en XXOO/XXPP previos a Londres 2012.	4.000 €
AXUDA EXCELENCIA GALICIARÍO 5	Deportistas galegos/as que PARTICIPARON representando ao equipo olímpico/paralímpico español nos pasados XXOO/XXPP de Londres 2012 ou previos.	3.000 €

#### 2. AXUDAS EXCELENCIA DGAN:

TIPO DE AXUDA	DIRIXIDA A DEPORTISTAS DGAN QUE OBTIVISEN RESULTADOS EN PROBA OLÍMPICA/PARALÍMPICA OU EN PROBA DE ESPECIALIDADE PRINCIPAL DE FEDERACIÓN DE DEPORTE NON OLÍMPICO/PARALÍMPICO.	IMPORTE MÁXIMO
AXUDA EXCELENCIA DGAN 1	Deportistas que obtivesen os seguintes resultados en <u>categoría absoluta e/ou intermedia</u> : - 1º no CM en proba olímpica/paralímpica.	Ata 5.000
AXUDA EXCELENCIA DGAN 2	Deportistas que obtivesen os seguintes resultados en <u>categoría absoluta</u> : - 2º e 3º no CM ou 1º no CEu (proba olímpica/paralímpica). - Ata 3º no CM ou 1º no CEu (proba de especialidade principal de federación de deporte non olímpico/paralímpico).	ata 4.000 €



BASES DA CONVOCATORIA DE AXUDAS A DEPORTISTAS GALEGOS/AS DE ALTO NIVEL. PRIMEIRA FASE: “AXUDAS GALICIARÍO - EXCELENCIA DEPORTIVA”

TIPO DE AXUDA	DIRIXIDA A DEPORTISTAS DGAN QUE OBTIVISEN RESULTADOS EN PROBA OLÍMPICA/PARALÍMPICA OU EN PROBA DE ESPECIALIDADE PRINCIPAL DE FEDERACIÓN DE DEPORTE NON OLÍMPICO/PARALÍMPICO.	IMPORTE MÁXIMO
AXUDA EXCELENCIA DGAN 3	<p>Deportistas que obtivesen os seguintes resultados en <u>categoria absoluta</u>:</p> <ul style="list-style-type: none"> <li>- De 4º a 8º no CM ou 2º e 3º no CEu (proba olímpica/paralímpica ou en proba de especialidade principal de federación de deporte non olímpico/paralímpico).</li> </ul> <p>Deportistas que obtivesen os seguintes resultados en <u>categoria intermedia</u>:</p> <ul style="list-style-type: none"> <li>- 2º e 3º no CM ou 1º no CEu (proba olímpica/paralímpica).</li> <li>- Ata 3º no CM ou 1º no CEu (proba de especialidade principal de federación de deporte non olímpico/paralímpico).</li> </ul> <p>Deportistas que obtivesen os seguintes resultados en <u>categoria previa á absoluta</u>:</p> <ul style="list-style-type: none"> <li>- Ata 3º no CM ou 1º no CEu (proba olímpica/paralímpica ou en proba de especialidade principal de federación de deporte non olímpico/paralímpico).</li> </ul>	ata 3.000 €
<ol style="list-style-type: none"> <li>1. <b>Categoría Absoluta:</b> é a categoría de idade na que se desenvolva a competición deportiva de máis alto nivel da modalidade deportiva, sendo, xeralmente, aquela na que os deportistas cumpren 19 anos no seu primeiro ano natural na categoría.</li> <li>2. <b>Categoría Previa á Absoluta:</b> é aquela categoría de idade na que participan deportistas que, xeralmente, cumplan 17 ou 18 anos ao longo do ano natural no que se celebran os campionatos.</li> <li>3. <b>Categoría Intermedia:</b> é categoría oficialmente recoñecida de cada deporte na que participen deportistas que deixan a categoría Previa Absoluta e que estean nos primeiros anos da categoría Absoluta. A Comisión poderá considerar unha única categoría intermedia por modalidade.</li> <li>4. <b>CM:</b> Campionato do Mundo <b>CEu:</b> Campionato de Europa. Poderanse valorar as Copas de Europa/Mundo, cando estas competicións estean conformadas por varias probas e cunha clasificación final. En ningún caso se valorará ser campión dunha única proba, senón ser campión da clasificación final.</li> <li>5. <b>Mínimo de participación por proba:</b> Cto. de Europa: 15 participantes e 8 países; Cto. do Mundo: 25 participantes e 15 países, excepto nas probas olímpicas/paralímpicas individuais, e nas probas olímpicas/paralímpicas de equipo nas que os/as deportistas non poidan participar en probas individuais similares. Poderase eximir deste requisito aos resultados obtidos en probas femininas, por contar normalmente cunha menor participación. Poderase eximir deste requisito a aqueles deportistas que, en máis de 2 campionatos, obtiveran posicións que cumpran o criterio deportivo, pero non o número mínimo de participantes. Nos deportes nos que exista unha fase previa de clasificación para o campionato, tamén se computarán os participantes en dita fase.</li> <li>6. Considéranse como Probas olímpicas/paralímpicas aquelas incluídas no programa dos XXOO/XXPP do ano 2016.</li> <li>7. Nos deportes colectivos será necesario formar parte da alineación nalgún partido oficial do campionato obxecto de valoración.</li> <li>8. Poderase valorar a clasificación final obtida en circuitos ou ligas mundiais ou europeas naquelas modalidades deportivas nas que así se desenvolva a súa competición internacional máis relevante.</li> </ol>		

As axudas axustarase ás seguintes regras:

- Todas as axudas concederanse en réxime de concorrencia non competitiva.
- A suma total de axudas concedidas non poderá superar o orzamento máximo previsto no punto 4 destas bases.
- Concederase unha única axuda por deportista, salvo aqueles/as deportistas que cumpran simultaneamente cos requisitos para obter unha axuda “Excelencia GALICIARÍO” e unha axuda “Excelencia DGAN 1”. Neste caso súmaselle os importes das dúas axudas pero só poderá recibir en total a cantidade equivalente á axuda de maior importe de Excelencia GALICIARÍO. Os/as que cumpran cos requisitos para optar a máis dunha axuda e non estean na excepción sinalada, recibirán unicamente a de maior importe.
- Cando se valoren resultados deportivos, teranse en conta os obtidos no período comprendido entre o 1 de xaneiro e o 31 de decembro de 2013 -ámbolos dous incluídos-, excepto para as axudas “GALICIARÍO” e a “Axuda 1 de Excelencia DGAN” que non haberá límite temporal, sempre e cando acrediten oficialmente que o/a deportista forma parte dalgún equipo de preparación olímpica/paralímpica.

- A todas as axudas aplicaráselles as retencións legalmente vixentes en base á normativa do Imposto da Renda das Persoas Físicas.

#### **6.4 Procedemento de concesión.**

##### **1. Axudas Excelencia GALICIARÍO.**

Todas as Axudas Excelencia GALICIARÍO percibirán os importes íntegros establecidos, sen mediar prorrateos, salvo que o crédito dispoñible xa non abonde para cubrir os importes destas axudas. Neste caso, aplicaráselles o prorrateo ata chegar ao crédito dispoñible.

##### **2. Axudas Excelencia DGAN.**

Unha vez resoltas as solicitudes de Axudas Excelencia GALICIARÍO, procederase a resolver de forma conxunta e co crédito dispoñible restante nese momento de ser o caso, as demais solicitudes presentadas que cumpran cos requirimentos para ser beneficiarios das Axudas Excelencia DGAN. No caso de que o crédito dispoñible fora insuficiente para atender aos importes íntegros das axudas, procederase a repartir proporcionalmente o crédito dispoñible restante nese momento entre os beneficiarios.

#### **6.5 Resolución de adxudicación.**

En cada unha das dúas liñas de axuda establecidas nestas bases, a Comisión de Valoración elevará informe ao órgano instrutor do procedemento, quen dará traslado da proposta de resolución á Comisión Permanente da Fundación Deporte Galego para que esta resolva.

O procedemento finalizará en calquera caso o 31 de decembro de 2014. O vencemento do citado prazo sen que se notifique a resolución expresa, lexítima ao interesado para entender desestimada a súa solicitude.

As listaxes das axudas concedidas publicaranse no taboleiro de anuncios da Fundación e na páxina web [deporte.xunta.es](http://deporte.xunta.es).

#### **6.6 Aceptación da resolución.**

Publicadas as correspondentes resolucións, os/as beneficiarios/as disporán dun prazo de dez días hábiles para a súa aceptación ou para presentar a súa renuncia, transcorrido o cal sen que se producise manifestación expresa entenderase tacitamente aceptada.

No caso de que as axudas outorgadas non sexan aceptadas polos/as beneficiarios/as ou que posteriormente á súa concesión se renuncie a elas, así como nos supostos do seu reintegro, non se alterará a distribución inicial do crédito entre todas as solicitudes aínda que se aplicase a regra do prorrateo.

## 6.7 Reclamacións.

Contra as resolucións da concesión de axudas poderán interperse reclamacións perante o órgano de adxudicación, no prazo máximo de 10 días hábiles a contar desde a publicación das listas de beneficiarios/as das axudas no taboleiro de anuncios da Fundación e na páxina web [deporte.xunta.es](http://deporte.xunta.es), con carácter previo á vía xudicial. O prazo para resolver as reclamacións será de dous meses.

## 7. PAGAMENTO

---

Unha vez que a Comisión Permanente efectúe a resolución, e logo da recepción por parte da Fundación Deporte Galego dos informes de fiscalización oportunos, procederase ao pagamento da axuda aos/ás beneficiarios/as por transferencia bancaria.

Para o pagamento da axuda concedida, o/a beneficiario/a das axudas deberá presentar os certificados de estar ao corrente das obrigas coa Axencia Estatal da Administración Tributaria, a Seguridade Social e a Xunta de Galicia (Consellería de Facenda). Non será necesario presentar estes certificados se os presentados coa solicitude están en vigor no momento de proceder ao pagamento.

## 8. OBRIGAS DO/A BENEFICIARIO/A

---

O/a beneficiario/a deberá cumprir coas obrigas previstas na Lei 9/2007, do 13 de xuño, de subvencións de Galicia. En particular, durante o presente exercicio e o seguinte:

- Aceptar e cumprir todas as estipulacións establecidas nas bases desta convocatoria.
- Comunicar calquera eventualidade significativa no proxecto deportivo.
- Someterse ás actuacións de comprobación que efectúe a Fundación Deporte Galego, así como calquera outra actuación, sexa de comprobación e control financeiro, que poidan realizar os órganos de control competentes, tanto galegos como estatais ou comunitarios, para o que se achegará tanta información lle sexa requirida no exercicio das actuacións correspondentes.
- Comunicarlle á Fundación Deporte Galego a obtención doutras axudas para o mesmo fin.
- Acreditar con anterioridade a que se dite a proposta de resolución de concesión que se encontra ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Xunta de Galicia, na forma que se determina no punto 5.2. destas bases.
- Mencionar a súa condición de beneficiario/a deste programa naquelas competicións e actividades deportivas nas que participe e que a súa regulamentación o permita.
- Participar nas actividades de difusión co fin de demostrar o grao de aproveitamento destas axudas, así como nas actividades de promoción do deporte que poida programar a Fundación Deporte Galego e/ou os seus patrocinadores.
- Non abandonar o programa deportivo aprobado ou a práctica da modalidade deportiva correspondente, salvo por causas de forza maior que serán xustificadas ante a Fundación.
- Participar nos Campionatos Galegos e representar a Galicia nos Campionatos de España, salvo causa de forza maior ou informe da Federación Galega correspondente no que se

xustifique a interferencia da competición na preparación de competicións internacionais relevantes.

- Proceder ao reintegro dos fondos percibidos nos supostos establecidos no apartado 9 destas bases.

## **9. MODIFICACIÓN DA RESOLUCIÓN, REVOGACIÓN E REINTEGRO.**

---

### **9.1 Modificación da resolución**

Toda alteración das condicións tidas en conta para a concesión das axudas poderá dar lugar á modificación da resolución de concesión e, eventualmente, á súa revogación.

### **9.2 Revogación.**

Procederá a revogación da axuda e a obriga de reintegrar a mesma, así como a esixencia dos xuros de demora correspondente, nos supostos de:

- Obtención da axuda falseando as condicións requiridas para iso ou ocultando aquelas que o impedisen.
- Incumprimento das obrigas como beneficiario establecidas nestas bases.
- Resistencia, escusa, obstrución ou negativa ás actuacións de comprobación e control financeiro establecidas nestas bases, así como o incumprimento das obrigas contables, rexistras ou de conservación de documentos cando diso derive a imposibilidade de verificar o emprego dado aos fondos percibidos, o cumprimento do proxecto subvencionado ou a concorrencia doutras axudas para a mesma finalidade, procedentes de calquera administración ou ente público ou privado.

### **9.3 Reintegro**

A Fundación poderá proceder, tras o apercibimento previo ao beneficiario/a, a exixir o reintegro ao que se refire o punto anterior.

## **10. RÉXIME XURÍDICO.**

---

As presentes bases rexeranse polo dereito privado, séndolle aplicable o artigo 120 da Lei 16/2010, de 17 de decembro, de organización e funcionamento da Administración xeral e do Sector Público de Galicia; a disposición adicional 16 da Lei 38/2003, de 17 de novembro, xeral de subvencións; os principios de xestión contidos no artigo 5.2. da Lei 9/2007, do 13 de xuño, de subvencións de Galicia e os de información aos que fai referencia o artigo 16 do mesmo texto legal, así como os artigos do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, que desenvolven ditos principios de xestión e publicidade.

## 11. DISPOSICIÓN ADICIONAIS.

---

A presentación de solicitude de axuda leva implícita a autorización á Fundación Deporte Galego para que:

- Publique na súa páxina web a relación de beneficiarios/as e o importe das axudas concedidas, coas excepcións previstas nas leis.
- Para que inclúa os datos relevantes referidos ás axudas concedidas no Rexistro de Axudas, Subvencións, Convenios e Sancións da Xunta de Galicia, creado polo Decreto 132/2006, de 27 de xullo.

De acordo co establecido na Lei Orgánica 15/1999, de 13 de decembro, sobre Protección de Datos de Carácter Persoal, infórmase ao/á beneficiario/a que os datos facilitados acorde con estas bases pasarán a formar parte dun ficheiro, automatizado ou non, con Datos de Carácter Persoal, cuxo responsable é a Fundación Deporte Galego, con domicilio social: Estadio Multiusos de San Lázaro, porta 4, 15781-Santiago de Compostela.

Mediante a presentación da solicitude, o/a beneficiario/a autoriza á Fundación Deporte Galego para que utilice os Datos Persoais que aquel proporcione do seguinte xeito:

- Os datos que correspondan, poderán ser facilitados a diferentes administracións públicas, co fin de realizar os trámites necesarios inherentes á tramitación da axuda que motiva a recepción dos datos.
- Os datos persoais que figuren na solicitude poderán ser publicados na páxina web oficial da Fundación Deporte Galego, con motivo da tramitación da axuda que motiva a recepción dos datos.

O/a beneficiario/a poderá exercer en todo momento os dereitos de acceso, rectificación, cancelación e, no seu caso, o de oposición, de conformidade co establecido na lexislación vixente, dirixíndose por escrito á Fundación Deporte Galego ao enderezo arriba indicado.

## ANEXO 1: INSTANCIA DE SOLICITUDE DE AXUDA

**Procedemento:** Convocatoria de axudas a deportistas galegos/as de alto nivel. Primeira fase: "AXUDAS GALICIARÍO - EXCELENCIA DEPORTIVA".

### DATOS DO/A DEPORTISTA SOLICITANTE

APELIDOS		NOME		DNI	
LUGAR DE NACEMENTO				DATA DE NACEMENTO	
DOMICILIO		CÓDIGO POSTAL	LOCALIDADE		
PROVINCIA	TELÉFONO	FAX	E-MAIL		
MODALIDADE/ESPECIALIDADE DEPORTIVA PRACTICADA		CLUB DEPORTIVO			

### DATOS DO/A REPRESENTANTE LEGAL (en caso de ser menor de idade)

DON / DONA			DNI		
DOMICILIO		CÓDIGO POSTAL	LOCALIDADE		
PROVINCIA	TELÉFONO	FAX	E-MAIL		

### DOCUMENTOS QUE SE ACHEGAN (poñer un X)

<input type="checkbox"/> FOTOCOPIA DO DNI (Só no caso de non autorizar a comprobación de datos)	<input type="checkbox"/> XUSTIFICACIÓN DE NON TER DÉBEDAS COA AEAT
<input type="checkbox"/> ANEXO 2: CERTIFICADO DA FEDERACIÓN	<input type="checkbox"/> XUSTIFICACIÓN DE NON TER DÉBEDAS COA SEGURIDADE SOCIAL
<input type="checkbox"/> ANEXO 3: DECLARACIÓN DOUTRAS AXUDAS	<input type="checkbox"/> XUSTIFICACIÓN DE NON TER DÉBEDAS COA XUNTA DE GALICIA
<input type="checkbox"/> FICHA DE SOLICITUDE DE TRANSFERENCIA BANCARIA	
<input type="checkbox"/> CERTIFICADO DE EMPADRONAMENTO NALGÚN CONCELLO GALEGO. SÓ NO CASO DE NON ESTAR RECOÑECIDO ACTUALMENTE COMO DGAN E NON TER NADO EN GALICIA.	

### AUTORIZACIÓN COMPROBACIÓN DE DATOS

Autorizo á Fundación Deporte Galego, de conformidade co artigo 2º do Decreto 255/2008, do 23 de outubro e a orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade no Sistema de Verificación de Datos de Identidade (SVDI) do Ministerio da Presidencia.

 SI NON

Documento Nacional de Identidade (DNI)

**BASES DA CONVOCATORIA DE AXUDAS A DEPORTISTAS GALEGOS/AS DE ALTO NIVEL. PRIMEIRA FASE: "AXUDAS GALICIARÍO - EXCELENCIA DEPORTIVA"**

**AUTORIZACIÓN OBTENCIÓN CERTIFICADOS**

Autorizo á Fundación Deporte Galego, co artigo 6 da Lei 11/2007, do 22 de xuño, para a obtención, xa sexa de forma directa ou a través da Secretaría Xeral para o Deporte, do:

SI	NON	CERTIFICADO	NOTA
		Certificado da Tesouraría Xeral da Seguridade Social de estar ao día das obrigas fronte á Seguridade Social	De non autorizar a obtención dalgunha das certificacións, deberanse presentar copia das mesmas
		Certificado da Axencia Estatal de Administración Tributaria de estar ao día das obrigas tributarias	

Autorizo á Fundación Deporte Galego, de conformidade co artigo 4 do Decreto 255/2008, do 23 de outubro, e a Orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a obtención, xa sexa de forma directa ou a través da Secretaría Xeral para o Deporte, do:

SI	NON	CERTIFICADO	NOTA
		Certificado da Consellería de Facenda da Xunta de Galicia de estar ao día das obrigas tributarias	De non autorizar a obtención desta certificación, deberase presentar copia da mesma

**DECLARO:**

- Que reúno todos os requisitos da convocatoria.
- Que acepto as bases da convocatoria de axuda e en particular o establecido nas disposicións adicionais.
- Que todos os datos que contén a presente solicitude se axustan á realidade e acepto as obrigas establecidas nesta convocatoria.
- Que, de conformidade co establecido na Lei Orgánica 15/1999, do 13 de decembro, de Protección de Datos de Carácter Persoal, quedo informado/a e presto o meu consentimento expreso e inequívoco á incorporación dos meus datos aos ficheiros existentes na Fundación Deporte Galego e ao tratamento dos mesmos para estas axudas.

**LEXISLACIÓN APLICABLE**

As presentes bases rexeranse polo dereito privado, séndolle aplicable o artigo 120 da Lei 16/2010, de 17 de decembro, de organización e funcionamento da Administración xeral e do Sector Público de Galicia; a disposición adicional 16 da Lei 38/2003, de 17 de novembro, xeral de subvencións; os principios de xestión contidos no artigo 5.2. da Lei 9/2007, do 13 de xuño, de subvencións de Galicia e os de información aos que fai referencia o artigo 16 do mesmo texto legal, así como os artigos do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, que desenvolven ditos principios de xestión e publicidade.

**SINATURA DO/A SOLICITANTE OU REPRESENTANTE LEGAL ACEPTANDO AS OBRIGAS ESTABLECIDAS NESTA CONVOCATORIA**

*En* , *de* *de 2014*

(Para rexistrar a Fundación)

**COMISIÓN PERMANENTE DA FUNDACIÓN DEPORTE GALEGO**

## ANEXO 2: CERTIFICADO DA FEDERACIÓN

D/Dna.		Con DNI:	
En calidade de (Secretario/a)			
Da Federación			

CERTIFICO QUE SON CERTOS os seguintes datos referidos ao/á deportista

Nome e apelidos	DNI:																																				
<p>a) En referencia á súa participación nun club galego.</p> <input type="checkbox"/> O/a deportista SI ten licenza nun club galego. <input type="checkbox"/> O/a deportista NON ten licenza nun club galego.																																					
<p>b) En referencia a posibles sancións disciplinarias.</p> <input type="checkbox"/> O/a deportista NON está cumprindo sanción disciplinaria firme en materia deportiva de carácter grave ou moi grave. <input type="checkbox"/> O/a deportista SI está cumprindo sanción disciplinaria firme en materia deportiva de carácter grave ou moi grave.																																					
<p>c) En referencia á súa licenza deportiva.</p> <input type="checkbox"/> O/a deportista ten licenza deportiva vixente expedida nesta federación dende alomenos o 1 de xaneiro de 2013. <input type="checkbox"/> O/a deportista NON ten licenza deportiva vixente expedida nesta federación dende alomenos o 1 de xaneiro de 2013.																																					
<p>d) No caso de ter participado nos XXOO/XXPP de Londres 2012 ou en XXOO/XXPP anteriores, a súa clasificación nas probas nas que participou foi (marcar cun X):</p> <table border="1" style="width: 100%; border-collapse: collapse; margin: 10px 0;"> <thead> <tr> <th rowspan="2"></th> <th colspan="4">EDICIÓN XOGOS OLÍMPICOS/PARALÍMPICOS</th> </tr> <tr> <th>Sidney 2000</th> <th>Atenas 2004</th> <th>Pekín 2008</th> <th>Londres 2012</th> </tr> </thead> <tbody> <tr> <td>Medalla <b>OURO</b></td> <td></td> <td></td> <td></td> <td></td> </tr> <tr> <td>Medalla <b>PRATA</b></td> <td></td> <td></td> <td></td> <td></td> </tr> <tr> <td>Medalla <b>BRONCE</b></td> <td></td> <td></td> <td></td> <td></td> </tr> <tr> <td>Participación</td> <td></td> <td></td> <td></td> <td></td> </tr> </tbody> </table>				EDICIÓN XOGOS OLÍMPICOS/PARALÍMPICOS				Sidney 2000	Atenas 2004	Pekín 2008	Londres 2012	Medalla <b>OURO</b>					Medalla <b>PRATA</b>					Medalla <b>BRONCE</b>					Participación										
	EDICIÓN XOGOS OLÍMPICOS/PARALÍMPICOS																																				
	Sidney 2000	Atenas 2004	Pekín 2008	Londres 2012																																	
Medalla <b>OURO</b>																																					
Medalla <b>PRATA</b>																																					
Medalla <b>BRONCE</b>																																					
Participación																																					
<p>e) En referencia á súa posible participación nos XXOO/XXPP de Río 2016:</p> <input type="checkbox"/> O/a deportista está incluído no equipo de clasificación e/ou preparación olímpica/paralímpica para o 2016. <input type="checkbox"/> O/a deportista NON está incluído/a no equipo de clasificación e/ou preparación olímpica/paralímpica para o 2016.																																					
<p>f) O deportista está adestrando e competindo no 2014:</p> <input type="checkbox"/> O/a deportista SÍ está adestrando e competindo no 2014 <input type="checkbox"/> O/a deportista NON está adestrando e competindo no 2014																																					
<p>g) En referencia aos resultados deportivos, teranse en conta os seguintes períodos:</p> <ul style="list-style-type: none"> <li>- Axudas Excelencia GALICIARÍO: non haberá límite temporal.</li> <li>- Axudas Excelencia DGAN 1, 2, 3: período comprendido entre o 1 de xaneiro e o 31 de decembro de 2013 -ámbolos dous incluídos. No caso das axudas Excelencia DGAN 1, non haberá límite temporal se o/a deportista acredita oficialmente que o/a forma parte dalgún equipo de preparación olímpica/paralímpica.</li> </ul> <p>- Poner os mellores resultados:</p> <table border="1" style="width: 100%; border-collapse: collapse; margin: 10px 0;"> <thead> <tr> <th style="width: 25%;">DENOMINACIÓN DA COMPETICIÓN <small>(Por exemplo: CTO Europa/Mundo, COPA Europa/Mundo, Open, Liga, Circuito, Grand Prix, Ranking, etc, etc)</small></th> <th style="width: 15%;">DATA <small>(día/mes/ano)</small></th> <th style="width: 25%;">DENOMINACIÓN DA PROBA <small>(Por exemplo: Fútbol praia, Grecorromana, Combate, Rallys, Florete, K-1 200, C-2 1.000, 4.70, 49er, duatlon, triatlon sprint, salto lonxitude, 400 m estilos, etc, etc)</small></th> <th style="width: 10%;">CATEGORÍA <small>(Absoluta-Intermedia-Previa á absoluta) (Ver Anexo 1)</small></th> <th style="width: 10%;">POSTO</th> <th style="width: 10%;">NÚMERO DE DEPORTISTAS PARTICIPANTES</th> <th style="width: 10%;">NÚMERO DE PAÍSES PARTICIPANTES</th> </tr> </thead> <tbody> <tr><td> </td><td> </td><td> </td><td> </td><td> </td><td> </td><td> </td></tr> <tr><td> </td><td> </td><td> </td><td> </td><td> </td><td> </td><td> </td></tr> <tr><td> </td><td> </td><td> </td><td> </td><td> </td><td> </td><td> </td></tr> <tr><td> </td><td> </td><td> </td><td> </td><td> </td><td> </td><td> </td></tr> </tbody> </table>			DENOMINACIÓN DA COMPETICIÓN <small>(Por exemplo: CTO Europa/Mundo, COPA Europa/Mundo, Open, Liga, Circuito, Grand Prix, Ranking, etc, etc)</small>	DATA <small>(día/mes/ano)</small>	DENOMINACIÓN DA PROBA <small>(Por exemplo: Fútbol praia, Grecorromana, Combate, Rallys, Florete, K-1 200, C-2 1.000, 4.70, 49er, duatlon, triatlon sprint, salto lonxitude, 400 m estilos, etc, etc)</small>	CATEGORÍA <small>(Absoluta-Intermedia-Previa á absoluta) (Ver Anexo 1)</small>	POSTO	NÚMERO DE DEPORTISTAS PARTICIPANTES	NÚMERO DE PAÍSES PARTICIPANTES																												
DENOMINACIÓN DA COMPETICIÓN <small>(Por exemplo: CTO Europa/Mundo, COPA Europa/Mundo, Open, Liga, Circuito, Grand Prix, Ranking, etc, etc)</small>	DATA <small>(día/mes/ano)</small>	DENOMINACIÓN DA PROBA <small>(Por exemplo: Fútbol praia, Grecorromana, Combate, Rallys, Florete, K-1 200, C-2 1.000, 4.70, 49er, duatlon, triatlon sprint, salto lonxitude, 400 m estilos, etc, etc)</small>	CATEGORÍA <small>(Absoluta-Intermedia-Previa á absoluta) (Ver Anexo 1)</small>	POSTO	NÚMERO DE DEPORTISTAS PARTICIPANTES	NÚMERO DE PAÍSES PARTICIPANTES																															
SINATURA E SELO SECRETARIO/A	SINATURA E SELO Vº Bº PRESIDENTE/A																																				
, de de 2014																																					



### ANEXO 3: DECLARACIÓN DOUTRAS AXUDAS DO ANO 2014

<b>D/Dna</b>		<b>DNI:</b>	
--------------	--	-------------	--

Solicitante das axudas a deportistas galegos/as de alto nivel, para a súa preparación e participación en competicións deportivas, ou en representación do/a deportista \_\_\_\_\_, en relación a outras axudas, ingresos ou recursos solicitados (tanto os concedidos coma os pendentes de resolución),

declaro baixo a miña responsabilidade que no ano 2014 unicamente recibín e/ou solicitei as axudas que a continuación describo:

declaro baixo a miña responsabilidade que o/a deportista por min representado no ano 2014 recibiu e/ou solicitou as axudas que a continuación describo:

Non se solicitaron outras axudas para esta mesma actividade.

Si se solicitaron axudas para esta mesma actividade.

#### Axudas solicitadas pendentes de resolución:

ENTIDADE	OBXECTO DA AXUDA	DATA DE SOLICITUDE (día/mes/ano)	IMPORTE

#### Axudas concedidas:

ENTIDADE	OBXECTO DA AXUDA	DATA DE RESOLUCIÓN (día/mes/ano)	IMPORTE

En todo caso, declaro que o conxunto de axudas solicitadas e/ou concedidas para o obxecto da presente solicitude non superaron a totalidade dos gastos asociados á mesma.

**Sinatura do/a deportista ou do/a representante legal:**

\_\_\_\_\_, a \_\_\_\_\_ de \_\_\_\_\_ de 2014

## ANEXO 4: FICHA SOLICITUDE DE TRANSFERENCIA BANCARIA

(Para a validez deste anexo e preciso que sexa asinado polo representante da entidade e pola entidade financeira). Este anexo poderá substituírse por un certificado orixinal emitido pola entidade financeira correspondente que inclúa os campos que figuran neste anexo.

<b>TITULAR DA CONTA</b>		<b>DNI</b>	
<input type="text"/>		<input type="text"/>	
<b>ENDEREZO</b>			
<input type="text"/>			
<b>PROVINCIA</b>	<b>LOCALIDADE</b>	<b>C.POSTAL</b>	<b>TELÉFONO</b>
<input type="text"/>	<input type="text"/>	<input type="text"/>	<input type="text"/>
<b>DATOS BANCARIOS</b>			
<b>CÓDIGO BANCO</b>	<b>CÓDIGO SUCURSAL</b>	<b>DÍXITOS CONTROL</b>	<b>CÓDIGO CONTA CORRENTE</b>
<input type="text"/>	<input type="text"/>	<input type="text"/>	<input type="text"/>
<b>NOME DO BANCO</b>	<b>ENDEREZO (Rúa e número)</b>		
<input type="text"/>	<input type="text"/>		
<b>PROVINCIA</b>	<b>CONCELLO</b>	<b>C.POSTAL</b>	
<input type="text"/>	<input type="text"/>	<input type="text"/>	

### CERTIFICO:

Que os datos arriba reflectidos son correctos e corresponden ao titular e número de conta

*Lugar e data*

, de de 2014.

Sinatura do/a Solicitante

Sinatura e selo da entidade financeira